



# შირაკი

## SHIRAKI

www.open.ge

გამოცემის 1937 წლიდან

დედოფლისწყაროს მუნიციპალიტეტის გაზეთი

№38 (9.652)

11-18 ოქტომბერი 2014 წელი

ფასი: 50 თეთრი

ყოველკვირეული გამოცემა

## ფულადი ჯილდო-სპორტსმენებს და პოეტს



6 ოქტომბერს ჩატარდა დედოფლისწყაროს მუნიციპალიტეტის საკრებულოს სხდომა, რომელსაც მუნიციპალიტეტის საკრებულოს თავმჯდომარე ზვიად ჯავახიშვილი უძღვებოდა. საკრებულოს სხდომაზე განიხილეს დედოფლისწყაროს მუნიციპალიტეტის „დედოფლისწყაროს სათნოების სახლის“ რეორგანიზაციის საკითხი. როგორც აღინიშნა, ის

აქამდე დედოფლისწყაროს მუნიციპალიტეტის საკრებულოს დაქვემდებარებაში იმყოფებოდა, ამიერიდან კი მას დედოფლისწყაროს მუნიციპალიტეტის გამგებელს ანა იმეგოზა განკარგავს. საკრებულომ დედოფლისწყაროს მუნიციპალიტეტის გამგებელს ანა იმეგოზას დედოფლისწყაროს სათნოების სახლის რეორგანიზაციაზე და

ახლის დაფუძნებაზე თანხმობა მისცა. საკრებულოს წევრებმა განიხილეს საკუთარი უფლებამოსილების განხორციელებასთან დაკავშირებული ხარჯების ანაზღაურების საკითხი და შესაბამისი წესიც დაადგინეს. საკრებულოს წევრთა ხარჯების ზედა ზღვარი 300 ლარით, ხოლო ქვედა ზღვარი-150 ლარით განისაზღვრა.

დედოფლისწყაროს მუნიციპალიტეტის საკრებულოს სხდომაზე მიღებული დადგენილებით წარმატებულ დედოფლისწყაროელ სპორტსმენებს-მარიამ ჯანაშვილს და ზვიად ქოქუაშვილს ფულადი ჯილდოები გადაეცემათ. „მათ არაერთხელ ასახელეს ჩვენი რაიონი. მარიამი საქართველოში ყველაზე ტიტულოვანი ძიუდოსეტი ქალია, მარშან ის ერთპირო-

ვნულად გახდა ევროპის ჩემპიონატის გამარჯვებული, ხოლო მსოფლიო ჩემპიონატზე მეორე ადგილს დასჯერდა. რაც შეეხება ზვიად ქოქუაშვილს, ნელს ის მსოფლიოს პროფესიონალ კიკ-ბოქსინგელთა სარეიტინგო სიაში პირველ ნომრად დასახელდა. ვალდებულები ვართ მათ გვერდში დავდგეთ და თუნდაც მცირედი თანხით „ნავახალისოთ“-აღნიშნა მუნიციპალიტეტის საკრებულოს თავმჯდომარე ზვიად ჯავახიშვილი.

სწევანდელი „შოთაობის“ გამარჯვებული პოეტი ქეთევან ნათელაძე საკრებულოს წარმომადგენლებმა მშობლიურ რაიონში დაბრუნებისთანავე მოინახულეს და წარმატება პირადად მიულოცეს. საქართველოს მწერალთა კავშირისა და მეცნიერებათა აკადემიის 21 წლის წევრმა საკრებულოს თავმჯდომარესთან საუბარში ლექსების კრებულის დაბეჭდვის სურვილი გამოთქვა. ქეთევანის ეს ოცნება უახლოეს მომავალში ასრულდება, რადგან საკრებულოს სხდომაზე მიღებული დადგენილებით ქეთევან ნათელაძის კრებულის გამოცემა შეესაბამისი თანხა გამოიყოფა.

„ეს მინიმუმია, მაგრამ მეტის გაკეთება ამ ეტაპზე არ შეგვიძლია. იმედა, ეს ჩვენს სახელოვან თანამემამულეებს კიდევ უფრო მეტ სტიმულს მისცემს შემდგომი წარმატებების მისაღწევად“-აღნიშნა ზვიად ჯავახიშვილი.

## ზომიერება = კულტურა

დიდ პატივს ვცემ წონასწორობას, ზომიერებას, ოქროს შუალედს.

პროფესიაც ისეთი მაქვს - მავალდებულებს, ფაქტებს და მოვლენებს ათვლის სხვადასხვა ნერტილიდან შევხედო; თავად კი ნეიტრალური პოზიცია შევინარჩუნო და ამ სტანდარტის ხანგრძლივად დაცვით მოვიპოვო საზოგადოების ნდობა...

მაგრამ, რაც დრო გადის, ვგრძნობ, მეც მიჭირს ზომიერების დაცვა და ბევრსაც აღიზიანებს ჟურნალისტური პოზა, როცა შენს სამშობლოში მიმდინარე პროცესები არ გეხება, რადგან, ნებისმიერ შემთხვევაში, ცივისსხლიანი პროფესიონალის როლში უნდა დარჩე. თუმცა, ამ შემთხვევაში

ამ სტანდარტს დავარდევ და ზომიერებაზე საკუთარ, სუბიექტურ აზრს შემოგთავაზებთ...

ზომიერებას ჯერ კიდევ ანტიკური საბერძნეთის მოაზროვნეებმა მიაქციეს ყურადღება და ის ოთხ უმთავრეს სათნოებათა რიცხვში შეიყვანეს კეთილგონიერებასთან, სამართლიანობასთან და მხნეობასთან ერთად. მათ ამგვარ სულისკვეთებას ნათლად ასახავს წარწერა აპოლონის ტაძარზე დელფოში: **Meden Agen** (არაფერი გადაჭარბებით). შემდგომში, ზემოთ ხსენებული სათნოებები ქრისტიანობაში ამბროსი მედიოლანელმა შემოიტანა "კარდინალური სათნოებების" სახელწოდებით. პლატონი თავის რესპუბლიკა-ში ახასიათებს ზომიერებას, როგორც სათნოებას, რომელიც გვეხმარება ვაკონტროლოთ და მოვითოვოთ ჩვენი ვნებები, სურვილები და ემოციები. ის თვლიდა, რომ ზომიერება უნარჩუნებს საზოგადოებას წესრიგსა და თავისუფლებას.

ძვ.წ. აღ. IV საუკუნეში მოღვაწე არისტოტელემ შემოიღო ეთიკის საგანი, რომლის მიხედვითაც ძირითად სიკეთედ ითვლება ორ უკიდურესობას შორის ზომიერების მიღწევა. მაგალითად, გულუხვობა არის შუალედური უკიდურეს სიძუნწესა და უაზროდ მფლანგველობას შორის. რაც მოგვიანებით ჩვენი წელთაღრიცხვით 62 წელს მოღვაწე რომაელმა პოეტმა პორაციუსმა თავის ოდებში შემოიტანა.

ყველა ერს თავისი წარსული, ტრადიციები აქვს, საიდანაც მისი სახე და ხასიათი ყალიბდება და ვლინდება. მეცნიერები

ამბობენ, რომ გეოგრაფიული არეალიც გარკვეულწილად განაპირობებს ადამიანთა ტემპე-

რამენტს, მათ ქცევას. არ ვიცი, სამხრეთული კლიმატი რამდენად მართავს ჩვენს ეროვნულ ხასიათს, მაგრამ ფაქტია, რომ

ფიცხ ქართველებს ზომიერების გრძნობა ხშირად გვალატობს. აკი ხშირად ვალიარებთ კი-

დეც, ბუნებით მაქსიმალისტი ხალხი ვართ, სიყვარულიც ძლიერი ვიცით და სიძულვილიცო. საშუალოს არ ვცნობთ,

ადამიანების შეფასების კრიტერიუმიც ასე გამოიყურება: კარგი და ცუდი- მორჩა, არც მეტი, არც ნაკლები...

ჩვენი გრძნობების გამოხატვაც აფექტურია-ნამიერი აფეთქების ნიადაგზე შესაძლოა ერთმა ადამიანმა მეორე მოკლას, განაწყენებულმა ისეთი შეურაცხყოფა მიაყენოს ნაკლებად დამნაშავე ადამიანს, რომ შედეგზე ნაკლებად ან საერთოდ არ იფიქროს. ფიქრობ, პრობლემის სათავეც სწორედ ამაშია, რომ შედეგზე ორიენტირებულები ნაკლებად ვართ, ამაზე ჩვენი უახლესი ისტორიაც მეტყველებს. ეს ვლინდება ყველა სფეროში, მათ შორის პოლიტიკაშიც. პოლიტიკური (გაგრძელება გვ.3)

**წავლავა მზად ის სპიჯა, როსა ვინა სიპალაული უხედავს!**

**გვ. 6**

**2015 წელს პენსიები და პედაგოგთა ხელფასები გაიზარდება**

**გვ. 2**

**ნაკვეთებში უაწონო კოვების საკითხი, აწონწარმოების დროულად კალაში შესვლას მოითხოვს**

**გვ. 4**

**„დედა ენა“ პრის სისოცხლავა...**

**გვ. 5**













